

bisaeá nga naga tugot nga ro *l* hay mabayluhan it *e*, o kinahangean nga sal-ihan it *e*.

Ro pag gamit ag pag dapat ku *e* ag *l* nga may guhit sa ibabaw (*ē*, *l̄*) hay dapat aywan, sanglit ay wa eon gid it kinahangean nga guhitan; ag eabut pa, tungód nga sa imprenta hay wa't *e* ag *l* nga may gihit sa ibabaw nga saráng magamit, ag ro kagayaan ku mga *maquinilla* hay wat inogguhit sa ibabaw nga daeá.

G

Rayang letra hay ra limog kaumling ku gina taó kana sa kinatsilá, apang indì eamang pag pa-eawagan it pag bugá kon mitlangon. Kon gina sundan imaw it *i* (*gi*) hay kon basahon sa binisayá hay kaumling ku kinatsilá nga *gui*. Ro *ge* hay wá *gi* dapatán sa bisaeá nga eunsay inakeanón.

Gui

Ro limog nga *gui* sa kinatsilá dapat nga issueat eamang nga *gi* sa inakeanón, tungód nga sa binisayá kon buot mitlangon nga *ji* o *gi*, hay iga sueát nga *hi* nga kamana sa *himatay*, *higugma* aip; nganì dapat issueát nga *gi* ro *ginikanan*, *gikan*, *ginuo*.

Liwán eamang sa sueondan ngará ro mga ngaeen ag apelyido it tawo. Pananglitan: *Guillermo Jimenez*.

Sa mapig-od nga pamisaea, ro limog nga *gui* sa kinatsilá, iga sueát eamang nga *gi* sa inakeanón, ag ro *ji* o *gi* iga sueát eamang nga *hi*.